

Aen Haw Hung Gungsiu Gvangjsih Vanzgyangh Cienciengz Hai Haw

1 nyied 1 hauh, Hozciz Si 2025 nienz “dangjeiz lingxdaeuz • siuhfei bangfuz” aen haw hung gungsiu Gvangjsih Vanzgyangh cienciengz youq Vanzgyangh Mauznanzcu Swciyen Nozmen Gvangjicangz hainduj.

Youq dieg baijgai doxgaiq reihnaz, Vanzgyangh 30 lai aen giyez(hozcozse) 200 lai cungj doxgaiq reihnaz ndei youq gwnz haw gyoebcomz baijgai, miz mouhom、vaizhom caeuq raet、haeux、cazyouz、

ciengqyouz、gyaeqgaeq doj、makgam daengj doenghgij doxgaiq reihnaz Vanzgyangh mingzdaeuz daegbied ndei haenx, supyinx le ndaw yienh haujlai vunz daeuj genj cawx.

Hozdung laeb miz daizheiq、dieg doxgaiq reihnaz、dieg doxgaiq cunghab、dieg baijgai gijgwn ndei、dieg guhcaemz mizyinx、dieg geiq soengq doxgaiq daengj, bang gij giyez gyagoeng siugai doxgaiq reihnaz、hozcozse conhyez ndaem ciengx

lijmiz (mbanj)hoh daibyauj caeuq bouxsuihfei daphwnq aen fugsah bingzdaiz gaicawx doxgaiq reihnaz、doxgaiq gunghyez、sanghbinj daegsaek, coicaenh siugai gij doxgaiq reihnaz mizmingz daegbied ndei haenx, lai hawj doxgaiq reihnaz youq ndaw gih rog gih gaicawx dox baedauq ndeindei, demgya hawsingz lajmbanj siuhfei aeuyungh, coengh gizdieg ginghci hwngfat.

(覃潇艺/Cinz Siuhyi 谭华标/Danz Vazbyauh)

Mungzsanh:

Guh Hozdung Langhbaij Minzczu Conzdungj Dijyuz Hanghmoeg

1 nyied 3 hauh, Mungzsanh Yen Yayiz Yauzczu Yangh Yayiz Minzczu Yozyau guh hozdung langhbaij minzczu conzdungj diyyuz hanghmoeg, duzcangx bengcag、dwkgyangq、haizgieg beij vaiq、foux faexsax daengj hanghmoeg lienzdaemh guh, hawj hagseng youq ndaw hozdung cienziep caeuq fatyienz minzczu conzdungj diyyuz.

(黄胜林/Vangz Swnglinz 曾洁/Cwngh Gez)



▲Gyoengq hagseng humx baenz gien yawj dwkgvanga. Vangz Swnglinz ingi

Yungzanh: Makgaemjgaet Gya-vaiq Gung Hawj Hawciengz

Mwhneix dwk seizhoengh mbaet、gai makgaemjgaet. 1 nyied 3 hauh, ndaw Yungzanh Yen Cungguk Gungsiu • Gveiqbaek Doxgaiq Reihnaz Densanghyenz, gyoengq gunghyinz faen genj、cang sieng、cang ci nyaengqdikdik, moix ngoenz bak lai dun “Makgaemjgaet Yungzanh” ndei daj gizneix cang ci soengq daengz daengx guk gak dieg bae hawciengz gai.

(谭凯兴/Danz Gajjinhg)



▲Gunghyinz youq ndaw cangi faen genj baucang makgaemjgaet.



▲Bouxsij doiq ruij doiq bae dak.

Nanzningz: Nienzhuq Hawciengz Heiqfaenh Cieng Noengznwd

Daengz ndwenlab le cieng cix yaek daengz, 1 nyied 2 hauh, Nanzningz Si Roensanghaij nienzhuq hawciengz ndawde baij rim doiqcieng、cih fuk、daengloengz daengj, daengx diuz roen hoengzfwgfwg, heiqfaenh cieng ciemhciemh naekna. Ciuyinx haujlai ginzung daeuj yawj、ingj siengq roxnaeuz genj au nienzhuq cinjbi gvaq cieng.

(喻湘泉/Yi Sienghceenz)